

## Reifun á úrskurði nr. 8/2015 – Tollur á vörur frá Kína

A kærði ákvörðun Tollstjóra um að leggja toll á tvær sendingar sem B flutti inn frá Hong Kong. B taldi sig ekki eiga að greiða toll af umræddum sendingum með vísan til kínversks uppruna og fríverslunarsamnings Íslands og Kína (hér eftir samningurinn) sem genginn var í gildi við tollafgreiðslu sendinganna.

Niðurstaða: Tollstjóri vísar til 3. gr. tollalaga um almenna tollskyldu og til ákvæða 7. gr. tollalaga um að framkvæmd við niðurfellingar, lækkun, eða endurgreiðslu tolls vegna fríverslunar- og milliríkjasamninga skuli vera að uppfylltum þeim skilyrðum sem tilgreind eru í viðkomandi samningi. Til að njóta fríðindameðferðar samkvæmt samningnum þarf m.a. að uppfylla skilyrði um gilda upprunasönnun sbr. 35. gr. og ákvæði um beinan flutning sbr. 33. gr. samningsins. Vegna seinni sendingarinnar tókst kæranda að afla gilds upprunavottorðs, útgefnu eftirá með vísan til 5. tölul. 36. gr. samningsins, ásamt því að leggja fram fullnægjandi upplýsingar varðandi beinan flutning þeirrar sendingar. Á grundvelli þessara gagna var fyrri gjaldaákvörðun Tollstjóra vegna þeirrar sendingar (seinni sendingarinnar) hnekkt og tollur endurgreiddur. Þar sem vottorð þau sem kærandi lagði fram vegna fyrri sendingarinnar uppfylla ekki umrædd skilyrði og kæranda tókst ekki að afla gildrar upprunasönnunar eftirá, með vísan til 5. tölul. 6. gr. samningsins, var niðurstaða Tollstjóra um gjaldskyldu kæranda hvað fyrri sendinguna varðar staðfest.